

ა(ა)იპ–ბათუმისბოტანიკურიბაღი



აუდიტორიული მომსახურების სახელმწიფო
შესყიდვის გამარტივებული ელექტრონული ტენდერის

სატენდერო დოკუმენტაცია

(CPV79212000)

ქალაქი ბათუმი, დასახლება მწვანეკონცხი

2016წელი

სარჩევი

1. ინსტრუქცია ტენდერში მონაწილეთათვის.....	3
2. ტექნიკური პირობები.....	4
3. ხელშეკრულების აუცილებელი პირობები.....	4
4. პრეტენდენტის რეკვიზიტები.....	5
5. დანართი N1 ფასების ცხრილი	7

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-9 მუხლის საფუძველზე.

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხო ენოვან დოკუმენტსა და მის ქართულენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთული უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების აუცილებელი პირობები მოცემულია სატენდერო დოკუმენტაციაში.

1.6 იმ შემთხვევაში თუ სატენდერო დოკუმენტაციაში შესყიდვის ობიექტის ტექნიკური და ხარისხობრივი მაჩვენებლების აღწერისას გამოყენებული იქნება სასაქონლო ნიშანი, მოდელი, პატენტი ან მწარმოებელი კომპანია, ასეთ შემთხვევაში აღნიშნული ტერმინები გამოყენებული არის „მსგავსისა“ და „ექვივალენტურის“ მნიშვნელობით და პრეტენდენტი ვალდებულია წარმოადგინოს ტექნიკური დოკუმენტაციით განსაზღვრული შესყიდვის ობიექტის მსგავსი ან ექვივალენტური მახასიათებლების მქონე საქონელი/მომსახურება.

1.7 სატენდერო წინადადებაში საერთო და ერთეულის ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

1.8. პრეტენდენტს არა აქვს უფლება წარმოადგინოს ალტერნატიული სატენდერო წინადადება.

2. ტექნიკური პირობები

2.1. პრეტენდენტმა უნდა უზრუნველყოს ბათუმის ბოტანიკური ბაღის ბალანსზე რიცხული 124,76 კვ.მ. კაფე-ბარის, 37 კვ.მ. საპირფარეშოს და 150 კვ.მ. მიწის ფართის დროებით სარგებლობაში გადაცემის საფასურის (ყოველთვიური საიჯარო ფასი) დადგენის მიზნით აუდიტორული (საშემფასებლო) დასკვნის მომზადება.

2.2. პერსონალის კვალიფიკაცია:

2.2.1. პრეტენდენტის პერსონალს უნდა გააჩნდეს აუდიტორის კვალიფიკაციის დამადასტურებელი სერტიფიკატი და უძრავ-მოძრავი ქონების შემფასებლის სერტიფიკატი (აღნიშნული სერტიფიკატები უნდა იყოს მოქმედი და მისი დასრულების ვადა უნდა აღემატებოდეს მომსახურების გაწევის ვადას);

3. ფასების ცხრილი

ა) ფასების ცხრილი წარმოდგენილ უნდა იქნეს დანართი №1-ის შესაბამისად;

ბ) სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით. ხარჯები, რომლებიც სატენდერო წინადადების ფასში არ იქნება გათვალისწინებული არ დაექვემდებარება ანაზრაურებას.

გ) ფასები წარმოდგენილი უნდა იყოს ეროვნულ ვალუტაში (ლარში);

დ) თუ პრეტენდენტი არ არის დღგ-ს გადამხდელი, საქართველოს კანონმდებლობის შესაბამისად, მისი სატენდერო წინადადება წარმოდგენილი უნდა იყოს დღგ-ს გარეშე;

ე) თუ ელექტრონული ვაჭრობის შედეგად, ერთიან ელექტრონულ სისტემაში დაფიქსირებული საბოლოო ფასიდან გამომდინარე, ერთეულის ფასები წარმოდგება მრავალნიშნა ათწილადის სახით, გამარჯვებული პრეტენდენტი ვალდებულია ხელშეკრულების გაფორმების მომენტისთვის შეამციროს ერთეულის ფასი და დაამრგვალოს მესამე დამრგვალებამდე შესაბამისად, შეამციროს საერთო ფასიც;

ვ) სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-9 მუხლის 11 პუნქტის შესაბამისად, შესყიდვის თავისებურებიდან გამომდინარე (ინტელექტუალური მომსახურება) შემსყიდველი ორგანიზაცია არ ითვალისწინებს ფასწარმოქმნის ადეკვატურობის დასაბუთების ვალდებულებას.

4. ხელშეკრულების აუცილებელი პირობები:

4.1. ანგარიშსწორება განხორციელდება მომსახურების გაწევის შემდგომ, მიღება-ჩაბარების აქტის გაფორმებისა და დღგ-ს ანგარიშ-ფაქტურის წარმოდგენიდან (დღგ-ს გადამხდელის შემთხვევაში) არაუმეტეს 10 (ათი) სამუშაო დღის განმავლობაში და პირგასამტეხლოს ჩარიცხვის შემდგომ (ასეთის არსებობის შემთხვევაში) 5 (ხუთი) სამუშაო დღის განმავლობაში;

4.2. ანგარიშსწორება მოხდება უნაღდო ანგარიშსწორებით ლარში.

4.3. წინასწარი ანგარიშსწორება (ავანსი) არ გამოიყენება.

4.4. ხელშეკრულების პირობების შეუსრულებლობა:

ა) მიმწოდებლის მიერ ხელშეკრულებით ნაკისრი ვალდებულებების შეუსრულებლობის (ან არაჯეროვნად შესრულების) შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების თანხის 0,5%-ის ოდენობით, შეუსრულებელი ვალდებულების ყოველი დღისათვის, რომელსაც მიმწოდებელი შემსყიდველს უხდის პირად სახაზინო ანგარიშსზე ჩარიცხვის წესით, არაუმეტეს 5 (ხუთი) სამუშაო დღის განმავლობაში.

ბ) გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,5%-ის ოდენობით.

გ) საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

დ) იმ შემთხვევაში, თუ საჯარიმო სანქციების ჯამური ოდენობა შეადგენს ხელშეკრულების ფასის 5%-ს მხარეები უფლებამოსილნი არიან ცალმხრივად გაწყვიტონ ხელშეკრულება.

ე) ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების თანხის ღირებულების 5%-ის ოდენობით.

4.5. მომსახურების ვადა და პირობები:

ა) შესყიდვის ობიექტის მომსახურების ვადაა ხელშეკრულებაზე ხელის მოწერის დღიდან 10 სამუშაო დღე;

ბ) მომსახურების ადგილი: ქ. ბათუმი, დასახლება მწვანე კონცხი, ბათუმის ბოტანიკური ბაღი;

გ) ხელშეკრულების მოქმედების ვადა არანაკლებ 30 დღით აღემატება მომსახურების ვადას.

4.6. ხელშეკრულება სახელმწიფო შესყიდვის შესახებ:

ა) ხელშეკრულების საბოლოო ვარიანტი დაზუსტდება ელექტრონულ ტენდერში გამარჯვებულ პრეტენდენტთან ხელშეკრულების გაფორმების პროცესში, გარდა სატენდერო დოკუმენტაციის მე-4 პუნქტით განსაზღვრული მოთხოვნებისა.

5. საკონტაქტო ინფორმაცია:

5.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში: საკონტაქტო პირები: გიორგი ნაცვლიშვილი - 599 706 701; გიორგი კომახიძე - 577 25 51 78 წერილობითი მიმართვის შემთხვევაში. მის: ქ. ბათუმი, დასახლება მწვანე კონცხი, ბათუმის ბოტანიკური ბაღი. ელ. ფოსტა: batumibotanicalgarden@gmail.com; info@bbg.ge

6. პრეტენდენტი პირის რეკვიზიტები:

- პრეტენდენტის იურიდიული ფორმა და დასახელება

- საიდენტიფიკაციო კოდი/ნომერი

- პრეტენდენტის იურიდიული და ფაქტიური მისამართი:

- ხელმძღვანელის სახელი, გვარი

- პრეტენდენტის ტელეფონის ნომერი: ტელ.: ; ფაქსი: ; მობ.: ;

- ელექტრონული მისამართი, E-mail:

- ბანკის დასახელება

- ბანკის კოდი

- ანგარიშსწორების ანგარიში

**7. შესყიდვების ერთიან ელექტრონულ სისტემაში ასატვირთი სატენდერო დოკუმენტაციით
განსაზღვრული დოკუმენტების ჩამონათვალი:**

- ფასების ცხრილი დანართი №1-ის მიხედვით (აღნიშნულის წარმოდგენლობა დაზუსტებას არ დაექვემდებარება და გამოიწვევს პრეტენდენტის დისკვალიფიკაციას);
- პრეტენდენტის პერსონალის კვალიფიკაციის დამადასტურებელი სერტიფიკატები;
- პრეტენდენტი პირის რეკვიზიტები;

დანართი N1

8.ფასების ცხრილი:

პრეტენდენტი სდასახელება _____

სატენდერო წინადადების ფასი _____

N	მომსახურების დასახელება	მომსახურების ღირებულება	მომსახურების ვადა
1	ბათუმის ბოტანიკური ბაღის ბალანსზე რიცხული 124.76 კვ.მ. კაფე-ბარის დროებით სარგებლობაში გადაცემის საფასურის (ყოველთვიური საიჯარო ფასი) დადგენის მიზნით აუდიტორული (საშემფასებლო) დასკვნის მომზადება		
2	ბათუმის ბოტანიკური ბაღის 150 კვ.მ. მიწის ფართის დროებით სარგებლობაში გადაცემის საფასურის (ყოველთვიური საიჯარო ფასი) დადგენის მიზნით აუდიტორული (საშემფასებლო) დასკვნის მომზადება		
3	ბათუმის ბოტანიკური ბაღის 37 კვ.მ. საპირფარეშოს დროებით სარგებლობაში გადაცემის საფასურის (ყოველთვიური საიჯარო ფასი) დადგენის მიზნით აუდიტორული (საშემფასებლო) დასკვნის მომზადება		
	სულ ჯამი		

პრეტენდენტის ხელმოწერა _____ ბ.ა.